



Na osnovu člana 22 Statuta Brčko distrikta BiH (Službeni glasnik Brčko distrikta BiH, broj 17/08), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08), člana 3 Zakona o povjeravanju javnih ovlaštenja (Službeni glasnik Brčko distrikta BiH, brojevi: 6/04, 19/07 i 11/09) i Prijedloga odluke gradonačelnika broj: 01. 1-05-031623/09 od 1. oktobra 2009. godine, Skupština Brčko distrikta BiH na 14. redovnoj sjednici održanoj 22. 10. 2009. godine, donosi

ODLUKU O POVJERAVANJU JAVNIH OVLAŠTENJA STRUČNOJ INSTITUCIJI ZA TEHNIČKI PREGLED VOZILA

Član 1

(Predmet)

Ovom odlukom se stručnoj instituciji Konzorcij IPI «Institut za privredni inženjering», d.o.o. Zenica, „EIB Internacionale“, A.D. RJ Centar za motorna vozila Banja Luka i Privredno društvo za informatički inženjering «A-net», d.o.o. Zenica, povjerava dio javnih ovlaštenja, vezanih za rad stanica za tehnički pregled vozila u Brčko distriktu BiH.

Član 2

(Dio poslova)

(1) Stručnoj instituciji iz tačke 1 ove odluke povjerava se dio poslova iz nadležnosti Odjeljenja za javne poslove Vlade Brčko distrikta BiH, kako slijedi:

- a) utvrđivanje uvjeta za rad stanica za tehnički pregled vozila u Brčko distriktu BiH,
- b) stručno osposobljavanje kadrova za obavljanje poslova kontrolora tehničke ispravnosti vozila i drugih osoba koje rade na stručnim poslovima tehničkog pregleda,
- c) periodične provjere znanja kontrolora tehničke ispravnosti vozila i drugih osoba koje rade na stručnim poslovima tehničkog pregleda,
- d) obrada podataka i izrada analiza iz oblasti tehničkog pregleda vozila,
- e) davanje pisanih uputstava i informacija, te izrada stručnih publikacija iz oblasti tehničkog pregleda vozila,
- f) uvezivanje stanica za tehnički pregled vozila i drugih zainteresiranih subjekata u jedinstven informatički sistem vezan za poslove tehničkog pregleda vozila.

(2) Ostali poslovi iz ove oblasti ostaju u nadležnosti Vlade Brčko distrikta BiH – Odjeljenja za javne poslove.

(3) Poslovi iz stava 1 ove odluke povjeravaju se na period do 6 mjeseci.

Član 3

(Način vršenja javnih ovlaštenja)

- (1) Stručna institucija Konzorcij IPI «Institut za privredni inženjering», d.o.o. Zenica, „EIB Internationale“, A.D. RJ Centar za motorna vozila Banja Luka i Privredno društvo za informatički inženjering «A-net», d.o.o. Zenica, povjerenje javnog ovlaštenja iz člana 2 ove odluke vršit će u skladu sa Zakonom o sigurnosti saobraćaja na putevima (Službeni glasnik Brčko distrikta BiH, broj: 34/06), Pravilnikom o tehničkim pregledima vozila (Službeni glasnik Brčko distrikta BiH, brojevi: 08/07, 31/07, 36/08 i 01/09) i drugim aktima koji se primjenjuju u Brčko distriktu BiH te propisima koji se odnose na ovu oblast na nivou Bosne i Hercegovine, kao i evropskim standardima i dostignućima u ovoj oblasti.
- (2) U vršenju javnih ovlaštenja stručna institucija Konzorcij IPI «Institut za privredni inženjering» d.o.o. Zenica, „EIB Internationale“, A.D. RJ Centar za motorna vozila Banja Luka i Privredno društvo za informatički inženjering «A-net», d.o.o. Zenica, saraduje sa državnim tijelima i sa stručnim institucijama koje su izabrane u entitetima, a s ciljem unapređivanja rada u oblasti tehničkih pregleda vozila.
- (3) Povjerena javna ovlaštenja stručna institucija može vršiti pod uvjetom da u Brčko distriktu BiH osnuje poslovnu jedinicu.
- (4) S ciljem usklađivanja sa standardima i propisima koji se primjenjuju u državama Evropske unije, stručna institucija može pokrenuti inicijativu i predložiti gradonačelniku Brčko distrikta BiH poduzimanje aktivnosti radi unapređenja stanja u oblasti tehničkih pregleda vozila.

Član 4

(Finansiranje i uplata prihoda)

- (1) Izabrana stručna institucija finansirat će se iz sredstava naplaćenih za date usluge, a u skladu sa Jedinstvenim cjenovnikom usluga tehničkih pregleda vozila u Bosni i Hercegovini koji čini sastavni dio Pravilnika o izmjenama i dopunama Pravilnika o tehničkim pregledima vozila (Službeni glasnik Brčko distrikta BiH, broj: 1/09).
- (2) Raspodjela novčanih sredstava koja se izdvajaju za stručnu instituciju će se propisati odlukom gradonačelnika Brčko distrikta BiH.
- (3) Međusobna prava i obaveze između stručne institucije i Brčko distrikta BiH - Odjeljenja za javne poslove će se regulisati posebnim ugovorom, koji će potpisati Vlada Brčko distrikta BiH i izabrani Konzorcij.

Član 5

(Nadzor)

- (1) Upravni nadzor nad radom stručne institucije vrši tijelo uprave Brčko distrikta BiH koje odredi gradonačelnik Brčko distrikta BiH posebnim aktom.
- (2) Stručna institucija podnosi tijelu iz stava 1 ovog člana, izvještaj o vršenju povjerenih poslova najmanje dva puta godišnje.
- (3) Na zahtjev tijela uprave iz stava 1 ovog člana, stručna institucija dostavlja podatke i dokumente koji su od značaja za vršenje nadzora u obavljanju javnih ovlaštenja.
- (4) Ako stručna institucija kojoj su povjerena javna ovlaštenja ne vrši povjerene poslove u skladu sa zakonom i drugim propisima, nadležno tijelo koje vrši upravni nadzor obavezno je da pismeno upozori subjekta koji vrši javna ovlaštenja i predloži mu mjere za rješavanje tog pitanja ili druge mjere u cilju obavljanja povjerenih poslova u skladu sa zakonom.

Član 6

(Prestanak javnih ovlaštenja)

(1) Javna ovlaštenja povjerena ovom odlukom prestaju:

- a) odlukom Skupštine ukoliko, stručna institucija povjerene poslove ne obavlja stručno i pravovremeno, ne podnosi izvještaj i ne dostavlja podatke i dokumente od značaja za vršenje upravnog nadzora, te ukoliko izvještaj stručne institucije ne bude pozitivno ocijenjen od strane nadležnoga tijela.
- b) Prestankom rada stručne institucije.
- c) Istekom perioda na koji su povjerena.

(2) U slučaju prestanka javnog ovlaštenja iz stava 1 ovog člana, danom donošenja odluke Skupštine, danom isteka perioda za koji je povjereno javno ovlaštenje, odnosno danom prestanka rada stručne institucije, prestaje primjena ove odluke.

Član 7

(Stupanje na snagu)

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -133/09

Brčko, 22. 10. 2009. godine

PREDSJEDNIK
SKUPŠTINE BRČKO DISTRIKTA BiH

Mirsad Đapo, dipl. pravnik

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za javne poslove
5. Članovima Konzorcija 3 (x)
6. Sekretarijatu Vlade – Sektoru za opće poslove
7. Sekretarijatu Vlade – Sektoru za pravne poslove
8. Arhivi